

UF  
4713  
8



SL B

UL 4213  
8

NO

Biblioteka Jagiellońska



SLB0012976

UL 4213  
8



1466..

# AD LIVONES

R<sup>ed</sup>issimi IN CHRISTO PATRIS. ET D.

D. IOANNIS DEMETRII  
SOLIKOWSKI,

DEI, ET APOSTOLICÆ SEDIS GRATIA,  
Archiepiscopi Leopoliensis. & R. P. ac M. D.  
Lithvanie, in Liuania, cum aliis Col-  
legis, Generalis Cōmissarii:

Paterna & amica Parænesis.

1/14



Zamość

dr. akad.

1600



# AD LIVONES

R<sup>mi</sup> IN CHRISTO PATRIS ET DOMINI  
D. IOAN. DEMETRII SOLIKOWSKI,  
DEI ET APOSTOLICÆ SEDIS GRATIA,  
Archiepiscopi Leopoliensis, &c.  
Paterna & amica Parænesis.



QVÆ MEA IN TE, Ô RIGA,  
Liunionæ gemmula, officia  
fuerint; qui amor, quæ be-  
neuolentia, quod studium  
erga vos meum, Ô Cis &  
Trāsdunani nobilissimi vi-  
ri Liuones; puto vos non i-  
gnorare: commemorare sanè, exprobrare esset:  
præsertim cum & vos ipsi abūdè recognoscatis,  
& ita ametis; ut ternis iam Comitibus regni, eius  
rei non vulgare specimen ostenderitis. Etenim  
me hominem iam ingrauescentis ætatis, è lon-  
gissimè à vobis diffita Russia, ad munus Com-  
missarij generalis, vnà cum alijs præstantibus è  
Senatu & Equestri ordine viris, à S. Rege, & ordi-  
nibus,

1069836



nibus, impetratum ad vos extraxistis: & quantum de me sentiat, toti Reipub. satis ostendistis. Porro, si vestra vos de me opinio non fefellit antè: puto & nunc hac Commissione & functione nostra, id nos affecutos esse, ut nihil benevolentiae, æquitatis, & integritatis, in nobis desiderare iure posse videamini. Et tu quidè Riga, mater Liuoniæ, semper Regno & Reipub. fida: post illa splendida priuilegia, quæ à glorioso Rege Stephano, cuius memoria in benedictione sit, & à Republ. in Comitibus confirmata obtinueras, pro quibus in fidem Regni Poloniæ, & Magni Ducatus Lituaniæ, erecto nobis throno, qui locum Regium tenebamus, iureiurando te dedideras: quid putas? quanto tibi amore deuincti fuerimus? quantam curam tui, apud Regem & Rempub. totam egerimus? Et cum iterum cum illo eodem Rege, apud te essemus, & postea ab eo cum Illust. Radiuilo, tunc Vilnen. locum tenente eius dignis: nunc Cracouiens. Episcopo ac Cardinali S. Sedis Apostolicæ pijsimo, ac Senatore Regni primario, cum Ernesto Weiero, patre & præfe-

præfecto militum antiquo essemus relictis; nonne tibi erga te, erga vos omnes incolas Liuoniæ, nostra patuerunt officia, pietas, miseratio? Quæ, quàm grata vobis fuerint, testatur dolor ille vester, testatæ sunt lachrymæ, cum me post spem aliquam remissionis meæ perpetuæ in Liuonia à Rege Stephano factam, à vobis abstrahi, & in Russiam transferri videretis. Et quis tum nouit sensum Domini? cur ita factum sit? Nunc post annum decimumseptimū, quippe iam annum agentē Sexagesimum, an vel otij vel spatiandi, vel alicuius priuatæ rei causa, me, cum hora me mortis & sepulchri quotidie fere admoneat, missum, ad vos venisse existimabitis? non equidè arbitror. Igitur cogitabitis potius, me vestri amore, & iuuandi studio, hoc tantum iter suscepisse; & Regi meo, cuius clemens & paternus in vos est animus, parendo; & studiis ac desideriis vestris satisfaciendo, ad vos venisse; ut quanto minus mihi restaret vitæ, tãto magis festinarem, de vobis, vestraq; salute, ac statu vniuerso, ad Dei gloriam & laudem bene mereri? Siq; iam



aut præstetur, aut præstitum sit aliquid, cum hoc, qui iam diutius expectatus adest, Illustri & optimo Leone Sapieha, Cancellario Lituaniæ, & aliis Collegis præstantibus, quos nobis Rex & Respu. adiunxit. Inprimis Deo præpotenti, tandem Serenis. Regi nostro, ac ordinibus, acceptū feratis, censeo. Deinde pro me nihil aliud à vobis expecto, quàm vt me, à vobis ad propria reuerti volentē, & paucis vobiscum & amanter agētem; & patienter tolleretis, & beneuolē audiatis; ac eadem qua ego ago charitate, fuscipiat, sensuq; imo reponatis. Ecce iam benedictus Deus, vos & prouētiā vestram ad meliorem statū & ordinē reduxit. Ecce ex salebris illis turbationum & tempestatum vestrarum, vos ad aliquē portum adduxit. Quid illud est, quod fecit? hominem exteriorem curauit. Quid? hominem à Ierusalem Iericho euntē, e manibus latronum eripuit, & plagas eius infuso vino, rigoris, & oleo miserationis, curauit. Eumq; stabulario commendauit: id est, ordinem, iustitiam, & gubernationis formam; vt honestē & pacifice viuatis,

vobis

vobis instituit, & ostendit: vt vos omnes Liuonia incolæ, mutuo vos ametis, mutuis officijs vos iuuētis: cōmunibus, & cōiunctis officijs, & viribus, aduersus omnes hostes vestros, & quāvis inimicam barbariem vos tueamini: iunctis animis, tanquam vna matre prognati, vestrum honorem, salutem & fortunas propugnetis. Sentitisné, quid dicam? Enimuero & sentitis, & sentire debetis: non sentire enim morbum, mortis sensus & interitus signum est. Sentite iam, & erigite aurem, ac exporrigite frontem. Quid Liuania ante 400 annos fuerit, non ignoratis. Quanta incolarum barbaries, scitis. In quā tetrīs ignorantia Dei tenebris, & idolorum fœdis cultibus delituerint, non nescitis. Misertus donec fons miserationum omnium Deus, per certa media, & homines à se submissos, nempe sacerdotem piissimū. Beatum Meinardū, cum negotiatoribus Germaniæ piissimis, Euangelij sui lumē in his partibus accendit. Quæ postmodum inter persecutiones, bella & cruces, operā, post fundatorum præfulum, latius ac clari-

us,



us, inter primum baptifatas tandem aliquoties relapsas gentes, maximaq; cura, infulsit, & cōfirmata vires sumpsit, & altius radices egit. Vnde non solū Sedis Apostolicę facultate cum Archiepiscopo Rigen: complures Episcopi, sed etiam tum florens ordo Cruciferorum, praelia Domini praeliando, multum adiuventi rebus Christianis attulit. Sic igitur firmatis rebus, & ad perfectionē adductis, quā fælix & beatus tum fuit Liuonię status? Si pietatem spectetis, quid ea ardentius ac sincerius? si concordiam, quid ea pulchrius? si potētiam, quid ea admirabilius? si opes, quid iis copiosius? si successus, bella, victorias; quid iis ad omnē hominū memoriam illustrius? Inferte oculos in Ecclesias, templa, Monasteria, Xenodochia, arces, vrbes, ciuitates, oppida; quid iis splendidius, pulchrius, munitius? si copiam rerū aduictū necessariatū, quid ad omnē vsum accomodatius, fæcundius, abundātius? Et hæc quidē omnia, quid aliud adduxit, auxit, locupletauit: quā Sancta Christi Iesu, dei & Saluatoris nostri religio? Quid ad  
sum-

cum penultimo Archiepiscopo dissidiis, Vilhelmum Marchionem Brandeburgensem eius in Archiepiscopatu successorem, vnā cum eius coadiutore Christophoro Duce Megapolen: Sigismundi Augusti Regis Poloniae consobrinum capit: ac obtruncato regis nuncio, ita in temeritate perstat; vt Archiepiscopum cum coadiutore, non nisi armis Regiis adaectus dimiserit. Paulo post & Moschus, Ioannes Basilides, Tyrānus, sed suorū rituum tenax, ob violata populi sui templa, quæ Derpati, Felini, & alibi, ex fœdere habebat, irritatus, in Liuoniam adducit truculentas, & feroces copias: Derpatum, Felinum, Neihausum, Laicum, Oberpalum, Pernauiam, Albulapidem, & cæteras munitiones, vsque ad Reualiam, alterum Liuoniæ ocellum, tunc modo non erutum, vastat, capit, occupat. Tum & Fridericus II. Danorum Rex, haud imprudens, vt se onere leuaret, Magnum Fratrem Holfatię Ducem, in Liuoniam aut submittit, aut dimittit, cum quo non melius affectam se sensit Liuonia: nec mora, & Ericus xiiii. Sueciæ Rex, Estoniā



niam iam Regi Polono deuotam, & cum tota Transdunana parte, ab ultimo Magistro dimissam inuadit, ac Reualia se inserit. Tot iam in dominos discerpta Liuania, ipsi inter se incolae confligunt: inq; diuersas partes corpus matris suae pulcherrimum conserpunt. O miram rerum omnium metamorphosim! O multum distantem antitesim! Simul enim atq; timor Dei exclusus, contemptum sacrorum inuexit, & caelibus vitae nuptiae propter votum illicitae successerunt; omnia fusque deque ferri coeperunt. Simul atque ab unitate religionis discessum est, unitas, foederum & pacis, inter indigenas sublata est. Et mutuo amor odia; concordiae discordia; paci bella; ordini confusio; opibus congestis, & in omnem Reipub. necessitatem paratis, direptiones; direptionibus egestas: (nam quis nunc quam antè ditior? nisi forte qui nihil antè habuit?) fortitudini imbecillitas; magnis animis pusillanimitas; pauores, fugae, transfugia, nusquam tuta fides, successerunt. Quin etiam cum domini vestri, Archiepiscopus, & Magister, rebus suis diffidentes

fidentes, ad Sigismundum Augustum principem mitissimum, & patientiss. etiam hortatu fel. recor. Ferdinandi Imp. prudentissimi, pro remedio rebus afferendo confugerent: Id ita, ut campsores solent inter negociantes, agebant: ut interea alios principes, Moschum etiā ipsum, altero pede tentarent, & postremò ita sibi attraxerint; ut Magister Vilhelmus Firstenbergus in Moschouiam abductus, miseram ibi vitam finiret. Et Archiepiscopus Vilhelmus, nō multò post dolore contabuerit. Quàm rectius & prudentius egissent: si vterque in sua vocatione, constanter perseuerassent: et Magister Archiepiscopo, et Archiepiscopus Ecclesiae Christi, auscultasset, salui omnes haecenus & florentes fuissent. Video Rumburgi, Episcoporum, Archiepiscoporumq; Rigeniū imagines. Videtis omnes, quibus lubet, & utinam ita oculis videatis, ut & ad mentem reuocetis. Cernitis omnes praecessores, in humili & sacro habitu, sine armis, statū suum & vestrū faelicē conseruasse. statim ut vnus, infula deposita, induit thoracē ferreum, & galea tectus apparuit:



ruit: & manū ensi apposuit, & sibi & vobis nocumentum attulit, & sua & vestra, & se ipsum iit perditum. Et sic clerus ille leuissimus, vnā cum populo, à via Dei depulsus, & vxoribus ductis, ex sacro statu in profanum conuersus, dum carnem & ferrum contrectant, vnā cum dominis suis, & nobilissimis, ac locupletissimis quibusq; vno ferè impulsu corruerunt: & omnes, paucissimis elapsis, vna ruina oppressi iacent. Et putabitis quenquam superesse, quem hæc flama, si non totum consumpserit, at vel ambusserit, vel grauius adusserit? Sentitis né eā adhuc, an nō? An expectatis, vt Deus clamet é cælo, vt olim per prophetam: Percussie eos, & non doluerūt: flagellauit, & non senserunt? Cum nonnullis vestrū viris bonis, & mihi amicis, de huius calamitatis vestre causis, amicè sæpius egi. Et quoties adhuc agere me contingit, proximas illi allegāt, nēpe quod inter se dissentirent. At ego Originales quæro: quid illud sit, quod eos ex cōcordibus dissidētes fecerit? Quid? nisi relicta primæua, & noua superindueta religio. Solēt & illi, qui olim electus

Dei

summū fastigium erexit? eadem religio. Quid apud Pont. Maximos, apud Cæsares, reges ac Principes Christianos, ad tantum decus ac estimationē extulit; vt inter clarissimas orbis christiani prouincias, Liuoniæ Prouincia, censetur, amaretur, honoraretur? religio, quid propugnatoribus fidei, militibus crucis Christi, ac virginis matris eius benedictæ, tantum in animo roboris, tantum bellicæ virtutis, contra innumerabiles hostium phalanges, & in rebus gestis gloriæ & victoriarum contulit; nonné religio? Hæc illos fortissimis Machabæis similes efficiebat: hæc ad arma promptos, hæc mortis contemptores; hæc vitæ æternæ, spreta hac breui, & fragili appetentes; hæc domi iucundos, foris terribiles; hæc domi oues, foris leones, reddebat. Quæ virtus hæc, quæ vis intus agens? quis calor tantus præcordia vrgens, & inflamans? nonné quia Christum Dominum regem æternæ gloriæ, & summam virtutem, ac sapientiam Dei patris, ex intimis præcordiis, ob crucem & mortem, pro salute hominum susceptam, dilexerunt?

B



lexerunt? quia eius honorem & gloriam, suæ  
 propriæ salutis anteposuerunt; quia pro eius E-  
 uangelii sancti dilatatione, & pro saluandis cœcis  
 gentibus, prælia domini gesserunt: hinc est,  
 quod tot Ecclesias ædificauerunt: tot Episcopatus,  
 parochias, ex occupatis terris, fundauerunt, ac lo-  
 cupletauerunt. Et ut, ne illos hæc cœlestia pabula  
 vnquam deficerent, à S. Sedis Romanæ Antistiti-  
 bus, ea rata esse, & benedictione Apostolica con-  
 firmari, Deoque ac cultibus eius in sempiter-  
 num dicari & consecrari petierunt. O beatam  
 illam Liunionæ sortem, cum pro vita æterna, alte-  
 ra manu, domos Dei, tanquam fortis: illi Israe-  
 litæ construebant; altera hostiles impetus, & ar-  
 ma, & omnes inuidientis Sathanæ insultus, re-  
 pellebant. Magna laus Bertoldi, qui Meinardo  
 successerat, & pro fide sancta Iesu Christi occu-  
 buerat. Magna Alberti eiusdem successoris, ac e-  
 ius successorum, quam apud Deum & homines,  
 multis suis præclare gestis naeti sunt. Magna Ma-  
 gistrorum Ordinis, à Vimione Rolquino, & cæ-  
 teris deuotiss. & fortiss. viris, vsque ad Plettem-  
 bergium,

bergium, meritorum gloria; qui hanc ipsam Li-  
 unioniam, à Danis, Succis, Moschis, Lithuanis, ac  
 ipsa gentilitate Liunionæ, fortissimè tutati, religi-  
 onem Christi in tota hac Prouincia, & animosè  
 dilatauerunt, & fortiter propugnauerunt, ac conser-  
 uauerunt. Atollite oculos & aspiciate, ac vobiscum  
 perpendite, si tam adhuc mirandum, quod vi-  
 dendum restat, cadauer, quale, & quàm specta-  
 tu dignum fuerit, ipsum viuum & vitale corpus  
 Liunionæ? Si ea rudera ecclesiarum, templorum,  
 arcium, ciuitatum, oppidorum, admirabundi  
 suspicitis; quæ nihil, nisi ruinæ sunt squallentissi-  
 mæ: quale id totum, cum in flore esset, fuerit, nō  
 est difficile æstimare. O magnā Christianæ reli-  
 gionis vim! O singularem Catholicæ deuotio-  
 nis potentiam! O ineffabilem virtutum christia-  
 narum omnia superantem virtutem! Et vnus  
 quidem Archiepiscopus Rigenfis, cui, ac Episco-  
 pis eius, ut quietè pascere populum Dei, Ordo  
 fratrum Crucigerorum fortissimus, regula, obsequio,  
 precibus, & gladio subseruiebant, tantus habi-  
 tus est apud omnes; ut quatuor Liunionæ, tribus



Prussiae Episcopis praesset : & inter praecipuos ecclesiae Dei proceres, Magister verò ordinis, inter principes Germaniae censeretur. Et haec quidem omnia, tam diu cum summi Dei benedictione, pleno copiae cornu, hominibus illis, tam sacri quam militaris ordinis, contingebant, certaue & tuta manebant; donec dilectus ille Dei populus, post euoluta illa, ut pietatis, sic felicitatis suae tempora, à Deo sic dilatatus, impinguatus, incrassatus, oblitus Dei creatoris sui, recalcitrauit, & dereliquit Deum : & recedens à Deo salutari suo, abiit post desideria cordis sui : & carnis voluntatem implens, è peregrina religionis innouatione, aliunde, in Liuoniam, ut morbo quodam pestifero, admissa; dum ea quae diuini iuris erant, ad humanos detrahunt usus, primum ad similitudines, inde ad contentiones, postremo ad bella tristissima, pro dolor, deuenerunt: sic, & quod fuit publicum & Reipub. destinatum, in priuatorum abusus transiit, & iam nec Deo, nec patriae quicquam relictum. Vilhelmus enim Firstenbergus, Ordinis Magister, inchoatis cum

Dei populus fuerunt, nunc autem abominatio mundi, gens Iudaeorum; cur sic per orbem totum sparsi & disiecti passim appareant; non legem, non templum, non Prophetam, non Regem proprium, non sacrificium ullum habeant, respondere : Deum sibi, suisque peccatis iratum esse. Quae autem illa peccata sint, non exprimunt. Et profecto, non aliud ullum maius, quam quod dominus Saluator lachrymans, eorum Metropoli praedixerat, quod non cognouerit tempus visitationis suae, & quod, ut caelestis Euangelista ait, sui eum non receperint : & ut Apostolus, quod dominum gloriae crucifixerint. Ita & quidam vestrum, dum omnia allegant : & non tam Moschum, Danum, Magnum, Suecum, quam Polonum, (quam iuste autem, iam iudicauit Deus) accusant, tanquam sibi preclare conscii. (sed vos omnia nostis.) omnia potius dicere solent : quam ut agnoscant, se haec omnia mala, & ruinas, non prius sibi accersisse, quam dulce iugum Domini, ac ecclesiam paternè secum agentem, & in rebus salutis ordinem dantem, excussissent, & ab illius obedientia recessis-



sent, hoc enim factò, fluxa multorum in politia quoq; fides, omniũ autem vna, & varia quidẽ calamitas esse cœpit. Quid? putatis me cum propheta, nomine Dei, in malis vestris ridere, aut sarcasmi amaritudine, in vos uti? Non vtor, mei fratres, non. Imo verò, cùm vos aspicio, vestramq; sortem considero, & nunc hæc scribens, lachrymas tenere non possum. Et non solum lachrymis, & compassionibus, ac cooperationibus meis, verum etiam sanguine meo, vos à malis hisce, eripere vellẽ perlubenter: precibus quidem indignis, misericordẽ Deum assiduẽ oro; vt vestri miseretur, & peccata vestra vobis indulgeat, ac à pœnis peccatis debitis vos eruat. Non laboro odio reformationis: si modò ea reformatio sit, & non deformatio, desolatio, & licentia, ac corruptio morum: non me trahit vlla passio, non vrit indignatio: non vincendi ardor, nõ diuitiarũ appetitus: nec enim vel apud vos, vel alibi talia concupiui. Dicam cum Apostolo: Vtinã abscindantur, qui vos primùm conturbârunt, qui hæc pestẽ inter vos immiserũt, qui illud mel vestrum felle

felle insperferunt, & vos venenis suis infecerunt: qui etiam nunc vestrẽ salutis, nec curam habẽt, nec morbos vestros sanare volunt, aut possunt: qui etiam vobis, & nunc fortassẽ, ita blandiũtur; vt vos mulcendo, & palpado, solo pruritu externę cutis, in morbis his vos leniant; sed morbum non tollant, nec morti occurrant. Lethargo nil dulcius, sed nil etiã lethalius. A quo qui auocat, excitat, amicus est; qui permittit, relinquit, hostis est, non amicus, non medicus. Stulta mater illa, quę puerum, ne se periculo capitis aut phrenesis obiiciat, nihil discere eũ vult, aut permittit. Atq; vt ne & ipsi quoq; in idem saxum impingamus, dum saltem querimus, deploramus, lamentamur: & non etiam remedia adhibemus. Ecce ea vobis exhibemus, & quidem non speciosa, vel fuco aspersa; sed vera, legitima, certa, & salutifera. Quẽro tamen prius à vobis, idq; diuina illa querela permotus; dum de populo suo dicit: Sanabam illos, & illi respuebant. Querebã eos, & nolebãt venire: Trahebam, & illi renuebant. Conuertebam me ad eos, & illi mihi dor-



sum vertebant. Quæro igitur, ô mei Liuvones, à vobis, vultisne perfectè sani esse? Enimuero volumus. Sumite remedium, & pharmacum vitale. At fortè amarum est? at aliter plenè sani esse non potestis. Vultis esse, sicut nūc fuistis? Nolumus. Vultis sic esse, sicut ante fuistis? etiam nolumus. Cur? quia duos dominos reminiscimur; quia liberi esse volumus. Liberi? & ego vobiscum. At legum serui sumus, ut liberi esse possimus. At libertas vera, spiritus est: Carnis verò libertas, licentia est, occasio peccati, tristis seruitus. Si illā vultis, recte habet, perfectè valebitis: nunquā enim Christus dominus, quē in corpore sanauit, sine salute animę dimisit: nā pretium pars hæc, ut ait poëta, corpore maius habet. & ipse dominus sanguinem suum primariè pro animabus nostris fudit. Si hanc: falsa est, mendax, vana, ac exitiosa. Audiamus Apostolum: Manifesta sunt opera carnis, quorū finis mors; manifesta spiritus, quorum finis, vita æterna. Sed non omnes obediunt Euangelio, non omnes audiunt Dominum: quomodo enim audient, sine prædicante? quomodo

do verò prædicabūt, nisi mittantur? Missio, missio, mei Liuvonienses, legitimos facit prædicātes: nemo enim seipsū mittit, sed ab alio mitti oportet. Et Dominus dicit: Sicut me misit pater, ita ego mitto vos: qui vos audit, me audit: qui vos spernit, me spernit. Et: Petre amas me plus iis: tu scis, ait ille, quia amo te. Pasce oues meas, pasce agnos meos, pasce oues meas: Oraui pro te, ut non deficiat fides tua, & tu conuersus confirma fratres tuos. Tibi dabo claues regni cælorū, quicquid solueris aut ligaueris in terra, erit in cælis solutū aut ligatum. Sed vos, cū hæc auditis à me, vel quod scribo legitis; quā vereor, ne pueris, vel mulierculis, similes sitis: hoc enim genus hominum, dum egrotat; sanitatem quidem desiderant, sed medicis & pharmacis irascuntur: & facilius anubus stultulis, & blandulis acquiescunt; quā peritis medicis, fidelibus consiliariis. Inde tot studia, quot sententię: quot capita, tot sensus: aliis hoc, aliis aliud placet: etiam in exterioribus simul interiora, ut scope dissolutæ fatiscunt. Ego verò sic arbitror. Præsentem rerum, quem apud

C iij      vos



vos inuenimus statum laudare, presumptionem & stuporem esse nonnihil correctum prorsus reprehendere, & alium etiā appetere, ingratitudinem & stulticiam, cum vt aiunt, nec alibi vituli mulsum bibant. Circumspicite omnes & omnia in orbe Christiano, quis iam est contentus? Si vultis igitur, & vos aliquid aliud? Si antiqua nimis? gentilitas fuit. Si media? Christianitas Catholica. Si proxima, & cum rueret alto à culmine Troia, scitis quibus buccinis? scio multos vestrum, qui meliora Deum precentur. Nam quoties eorum quę acciderūt, memoriam refricant, toties totis animis & corporibus cohorrescunt. Nō ego ea refrico, ne vobis dolorem renouem. Ac qui magna ex parte earum rerū autores & fabri, quia & viri non obscuri sunt, & soboles eorum, melius de patria mereri poterūt, nō tango: vt quid enim etiam vlcus tēgatur, si præterita corrigi nō possunt? nec mihi natura mea, aut educatio, aut mores mei id dederūt, vt cum quoquā acerbè agere didicerim: nec quidquid suspicari aut ominari placet. Relinquimus hoc opus anxiiis, & male sibi cō-

sciis

sciis conscientiis, & bubonibus infauis: nec in quoquā seueritatis exēpla relinquere placuit. Potius, si quid peccatū a quoquā fuit, cum Deo nolimus mortē peccatoris, sed magis vt cōuertatur & viuat: Conuertatur inquam, & conuertatur, si qui adhuc aliqui tales reliqui sunt: nam multos iam absumpsit hostilis gladius, infortunia, mortes, cēdes, & egestas, poenæ eorum, qui nō satis feliciter patrię suę seruierūt, supra quorū inhumata corpora flendū potius est, quā insultandū. Conuertantur igitur, inquam, & doleant, & finem iam errandi faciāt, & posteritati suæ, vt saniora consilia sequantur, seriō præcipiant, & authores sint. Nimis me, fateor, vobis aperio: sed hoc nimius meus erga vos amor facit, & dilectio; vt ita vos saluos & sanos esse cupiam; vt ne in posterum, vel cicatrix vlla, vulnere præteritorum, reliqua fiat, sed omnis occasio refrigerationis amputetur. Et hoc illud est: quod à vobis quærebam, num profectò sani velitis esse? & quod id vobis faucā, & quod vera remedia vobis ostendam. Redeo igitur vnde digressus sum, & puto vtiliter. Ac quæro, quid vobis deest? &



quid in statu vestro desideratis? num hæc iniuria vestra est, quod sanguine Polonico & Lituanico, Liuonia recuperata & restituta est, quàm cuiusquam alius armis? Vos, qui bellis Stephani interfuitis, vidistis, probastis, laudastis: Nos etiam, qui aliquam partem horum vidimus: & hos vidimus & noueram, qui & quomodo adfuerunt. Quid igitur vobis durum in Regibus Polonis, quibus nihil mitius, nihil melius, nihil clementius? Quippe sciunt illi, se liberis populis imperare; & vnâ legum cathena, cum subditis constringi: & nemo Tyrannus esse potest, vbi potentia Regis non stabilitur armis, sed fide & beneuolentia ciuium. Quòd si sine dominio velitis esse, vt Veneti, & Heluetii: ô quàm perperam, & sine consilio! Etenim & illis est sua dominatio, & his Magistratus, spreta vel coequata nobilitate: & omnis magistratus aut est hereditarius, aut electivus: hereditarium etiam vos vix detrectare iure possietis, qui Clero, & Magistris ordinis, sub sedis Apostolicę dispositione paruistis Electiui autem dulcedinem, iam nobiscum degustare incipitis.

Et

Et dum libertatem apud Polonos & Lituanos florentē aspicitis, cuius vos participes factos esse agnoscitis, nullam Tyrannidem amplius reformidatis. Certè non est vlla hæc tyrannis, sed libertas, vbi nihil statuitur, aut decernitur, nisi omnium consensu scitum, susceptum, & approbatum: vbi nulla tributa, exactiones, thelonea, nisi in Comitibus Regni decreta & impetrata: vbi nemo capitur, nemo bonis multatur, nisi iure victus: vbi nobilitatis tantum decus est, vt qui non rerum omnium, aut vitę deniq; ipsius iacturam, honori postponat, non censeatur inter nobiles. Et licet multoties libertas, non paruam occasionem licentię præbeat; tamen nemo reperitur in libertate ingenuè natus; quin virtutem amet, illiq; faueat, vitia persequatur, & damnet, non secus, ac si iudex & vindex ad id designatus fuerit. Igitur plus reformidant dedecus, quàm supplicia, etiam audaculi, quorū, vt hac corruptione seculi, dum soli Deo, & non etiam sacerdoti, confitemi se malle videri volunt, auctior est numerus; ita auctiores sunt, & frequentiores etiam poenæ.

D

Adæ



A laequata nihilominus sic rerum omnium proportio est; ut neq; Regi tyranno esse liceat, neq; subditi eis etiam, si qui non satis semper ad amussim perfecti, rebelles esse possint, aut velint. hinc est quòd Poloni reges suos, parentum instar habeant: Reges etiam, subditos suos, ut filios suos, ament. Quid igitur restat? hoc ut vobis ostendam, me vobis Germanis in Liuania, haud secus atq; Polonis, Lituanisq; ipsis, & sanguini proprio veram libertatem, pacem, ordinem bonum, & statum quàm optimum, cupere, optare, & fauere; ut iis, qui iam fratres nostri estis, qui vnius corporis membra, vnius regis subditi. Ecce iam sanus factus es, dixit Saluator paralytico, noli iam amplius peccare, ne tibi quid grauius contingat. Ait & medicus corporalis: Ecce iam febre liberatus es: habe igitur rationem tui, crudis abstinere, dietam serua, fuge nocentia, serua temperantiam, ne recidiuam habeas, ne tibi denuò periculum, ne mortem accersas. Ita & ego dico vobis, ò Liuones, ò Ciues vnius Ciuitatis ac Reipublicae charissimi: Ecce iam curati estis: Ecce ordinem

dinem institutum, Senatores, Consiliarios, & Officiales à Rege benignissimo vobis datos: ecce iudices & subsellia, nostra libertate vobiscum communicata, à vobis electos, & ius à vobis, nobis suffragantibus, & iuuantibus, conscriptum & scitum. En iura & priuilegia vestra iam reuista: non ut debiliora sint vobis, sed certiora. En ad dignitates & officia omnia pariter cum Polonis, & Lituanis, admissi estis. En vobis ita omnia talia, ut plus quàm vnquam antea, vobis omnia luculentiora, honestiora, & ampliora obrigerint. En purgata area, triticum, à palea mundatum: Aurum à scoria liberatum: ventilabrum amplius nullum, aut si quod relictum, in manu vestra, & legum vestrarum repositum est. Nolite fratres mei amplius peccare: nolite in mutua viscera, ac in vos ipsos, amplius saeuire: Nolite mei fratres, nolite fidem Catholicam, ac eius conseruatricem ecclesiam, quae vos nobilitauit, ditauit, ornauit, & in perfectio libertatis statu collocauit, in odium & inuidiam adducere: & quae etiamnum vobiscum maternè agit, vestris etiam moribus, & institutis indul-



get, ac ea tolerat, & vobis quam optimè cupit, vestraeq; saluti vt mater fidelissima fauet: eam ne finatis eo loco apud vos haberi, atq; si exilium, infamiam, & contumelias commeruerit. Habetis Regem Catholicum; vt omnes ante eum Poloniae Reges fuerunt: Senatum, ordines, & totum Regnum Catholicum, vt & vos paulò antè fuistis. Ideo etiam in Interregnis bene ad concordiam, & salutaria consilia dispositum. Et quoscunq; vnquam in Repub. nostra, de vobis ac fortunis vestris bene meritos esse profitemini, an non Catholici sunt semper & fuerunt? O quam iniquè cum iis, à quibus libertatē conscientie impetrastis, agere videremini, si quod vobis per eos licet, ipsis per vos inter vos non liceat? Cauete obsecro, caute mei fratres; ne sic agendo, iniustos vos, ac per hoc Deo ac hominibus molestos reddatis: & ne dicat olim Deus: Serue nequam, totum debitum dimisi tibi, tu autē conserui tui, non es misertus. & ne meritò ob hanc talem mentem, psaltes super vos & terram vestram iterum inclamet: Quia calix in manu Domini plenus misto, & inclin-

uit

uit ex hoc in hoc: verumtamen fex eius non est exinanita: bibent omnes peccatores terræ. Non opto: quin imò deprecor, ne id fiat. Neq; vobis è monumentis excitatos, dominos vestros Archiepiscopos, Episcopos, & Magistros, imò auos & proavos vestros, in theatrum produco; ne vobis eorum conspectu terrorem incutiam: qui, si nunc coram vobis starent, quibus verbis vos compellerent, quæ vobis beneficia sua exprobrarent, quomodo vos arguerent, & quid in vobis requirerent, quàm grauitè vobiscum expostularent; vobis cogitandum ac perpendendum relinquo. Inclinat Dominus ex hoc in hoc. Inclinat, inquam, nunc huc nunc illuc; nunc sub hos, nunc sub alios dominos; & fex tamen non est exinanita: nusquam enim pax, semel loco deturbatis, nunquam benè, qui semel perfectè pessum abierunt. atque vtinam iam sit tandem finis, operà, medio, ac effectu, huius præsentis functionis ac commissionis nostræ. Si igitur nos non amatis; at ne odio etiam prosequamini. Si matrem non honoratis; at ne diffamari eam permittatis. Si non alitis, at

D iij

ne



ne vitam ei eripiat: servate pacem, more regni, in quo etiam non deest varietas religionis: sitis concordēs, vel saltem eo modo, quo elementa inter se, alterum cum altero symmetriam conferuantia, sicut pares cum paribus, sicut partes anni, sicut filij cum patribus, sicut iuniores cum senioribus, sicut anima cum corpore, sicut spiritus cum carne, sicut unius corporis membra. Amate Germani Polonos & Lituanos: nam pro vobis plurimum sui sanguinis profuderunt. Amate & vos Poloni & Litvani Germanos Liuvoniæ incolas, & totam gentem eius: nam multis vobis dispēdiis, multo sanguine constant: charior est matri soboles, quàm tristius enixa est. Ne feratis ægrius, & vos, quibus aratum seminatum, & sudatum est, si aliquid præmij milites & propugnatores vestri habeant. Imò non solum non fertis, sed etiam ipsi querimini, quòd apud vos sedes fixas non habeant: quòd præter præfecturas, nihil hereditario iure à Repub. adhuc obtineant. Mutuis studiis & officiis, conservator charitas civium, alitur, dilatatur. Vobis nihil decedit: His nihil adhuc

adhuc accessit. Benemeriti sunt: & præmia condigna ubi sunt: vobis omnia vestra integra sunt, non solum ijs, qui castra regis fortissimi Stephani secuti estis, sed etiam, qui tunc peregrè, vel studiū vel periculi evitandi causa, in tenera ætate, abfuiſtis. Etsi de rege, de Repub. de patria, bene mereri curabitis, & Rex & Respub: & patria vestra profectò vestri rationem habitura est semper. Et cum tum fraterno amore, & conuictu, tum affinitatibus mutuis, in vnam gentem coalueritis, eosdem amicos, eosdem hostes, communia cōmoda, communes, & iunctas vires, aduersus omnes aduersarios & incomoda vestra tollenda, titulos, & ornamenta omnia communia habebitis. Et patriam, & Rempub: sic salubriter institutam, & mutuis studiis conservatam, posteritati vestræ fartam tectam relinquetis. Et iam non desiderabitis, vel aliū statum vestrum, vel aliam formem vnquā. Atq; hoc illud primum est, quod salutē vobis partam, certam, & confirmatam vobis reddet. Alterum verò, quod compendio exponā: & sicut ad esse vestrum, tāquam bene esse adjiciam.



iiciam. Scitis profectò Religione Christiana, illustratam, dilatatam, & ditatam esse Liuoniam. Et nemo negat etiam Magistrorum vestrorum, ut ut sua causa vobis applaudentes subitescant, quos tamen ego & amo, & saluos esse Deum oro, & ut diligētius scripturas legant, & discant, & Sanctorum patrum, ac Sacrorum Canonum scripta & volumina, tam Occidentalis, quam Orientalis Ecclesiæ euoluant, hortor & opto. Quàm præclarè igitur multa vestri domini priores, Archiepiscopi, Episcopi, Magistri, & utiliter fecerunt, quòd tot Ecclesiæ, Monasteria, claustra, arces ædificarunt: tam hoc satis imprudenter, & inopia boni consilii, quòd Gymnasia, scholas, aut Academias nullas crexerint aut fundarint. Quæ cum deessent, & in solis armis spem omnem felicitatis & ornamentorum suorum reponerent, cum nullæ adessent literæ, nulli viri docti, nulli Ciuilis Iuris, & politiorum literarum scientia periti, vis illa & potentia immentis, consilii expers mole sua corruit: cum furores exortos, nemo esset, qui consilio ac prudentia regeret, nemo qui  
exem-

exemplis antiquis, quibus abundant omnium temporum annales, mitigaret ac compesceret, & flamas exsurgentes, superinfusis salutaribus consiliorum, mansuetudinis & prudentiæ, aquis extingueret. Ingenuas enim didicisse fideliter artes, ait Poëta, emollit mores, nec finit esse feros. Ferocitas est sanè & feritas: & syluestris quædam viuendi ratio, vbi sine scientia bonarum artium & literarum viuitur: vbi, nobiliores præsertim, nihil à vulgo subditorum distant: vbi, qui ad regimen aliorum, & officia gerenda adhibendi sunt, natiua tantum lingua contenti, nec iuris, nec sermonis Latini aut Græci vlla cognitione præditi sunt, & semper interpretibus indigent. Quòd si nobilitas Equestris ordo est: & equitem esse, nō est peditem non esse: sed, equis rectè & ritè, ad tuendam patriam, cum vsus postulat, uti, & in artibus militaribus versatum ac peritum esse: deberet profectò, ut exercitio militari; ita scientia rerum ab aliis præclarè gestarum, & notitia historiarum esse exulta & instructa. Videris doctissimum & fortissimum virum Ioannem Samoscium,



moscium, Reipub. nostræ summum Cancellarium, ac exercituum Ducem. Is ita Myneruam cum Marte coniunxit, ut in utroque genere & felicissimus & excellentissimus habeatur: utque eę scientiæ, quibus nihil patriæ utiliùs & salutariùs est, in ordinem equestrem & militarem latius dimanent. Gymnasium ipse & scholas nobiles erexit, ac fundavit: quas Pontifex Max. & Rex noster Academiae titulis & privilegiis ornârunt. Videtis iam quantum fructus ex hac institutione viri prudentissimi, patria referat; cum eius cognatos, amicos, domesticos, familiares, commilitones: cum Stanislaum Zolkieuium, Castellatum Leopoliensem: campiductorem regni vigilantissimum, & virum circumspectis. & cordatissimum, consideratis. Cum Ioannem Felicem Herburtum iuvenem, ingenio, literis, facundia ornatiss. cum alios innumerabiles, animis, robore, usu armorum, & militari scientia exercitatissimos intuemini. Vnde hoc Samoscus accepit? primum à maioribus suis, quibus hoc innatum probè fuit. Deinde ab ingenio suo, ad magna nato, quod ille cum

cum varia & multiplici doctrina, & singulari scientia, in clariss. orbis Academiae exornatum, cum ad arma contulisset, sub Rege Stephano, sempiterna memoria digna, quippe qui & doctrina & bellicis artibus fuit clarissimus; ita feliciter ea tractavit, ut breui ipse summus Imp. & Dux belli fortunatissimus esset, & à præmendo Moscho non desisteret, donec Liuvoniam hanc totam relinquere cogeretur. Taceo & alia eius gesta: scitis omnes, amici & hostes. Sumpsit & aliud ab eodem Stephano, nempe hæc duo præcipua, quæ ego, ut Episcopus, potiore loco repono. Quod Rex ille non minus pius quam doctus, primum erga Deum, victoriarum illarum largitorem, gratum se exhibens, in locis compluribus, & ecclesias construxit ac fundavit, & in usum Catholicum quæ iam fœditate equorum Moschicorum, ob poenam defectionis ab obedientia religionis Catholicæ, diuinitus permissa horrebant, restituit. Deinde Scholas & Gymnasia, viris piis & doctis Societatis IESU instructas, instituendæ iuuentutis causa, præsertim Polotii, Rigæ, Derpati erexit,



instauravit, & fundavit: Ut vobis sanè beneficeret, vos ornaret, vestrae ac posterorum vestrorum saluti, moribus, & fortunis vestris quàm optime consulere. Fecerat hoc & antea Vilnæ, Metropoli Lituaniæ, licet tunc non agnoscentibus sua bona agricolis: & perfecerat, postquàm primo congressu Polotiam recuperauerat, & in Socolo, clariss. omnes Moschi duces ceperat. Vidi nunc huc ad vos veniens, & quidem magna cum animi voluptate, vidi vberimos Academiae Lituanicae fructus; cum nobilissimos procerum filios, cum singulari indole, voce, gestu, Græca, Latina, prosa, versu dexterrima & suavissima pronunciatione declamantes: & velut è Parnasso demissas Musas cantillantes, audirè & contemplarer. Habebit & habet iam Soror nostra Lituania; tot Radiuilos, Sapiehas, Chodkieuicios, Dorostaiscios, Kiskas, Volouicios, Moniuidos, Voinas, Pacios, Chalecios: Præsules, Senatores, Palatinos, Castellanos, belli Duces, Cancellarios, Vicecancellarios, Marschalcos, Iudices, Officiales præstantes; quibus non erat par prior ætas; qui iam in plures ramu-

ramusculos, pullulantes, patriam suam & Rempub. nostram communem, in dies florentiorem, & beatiorem reddent. Vidimus iam similia Derpati: vidimus Rigæ. Nonnè & hoc exemplum is, quem dixi, Samoscius noster feliciter secutus? Quæ beneficia talium verè diuinitus datorum virorum, qui vel non intelligat, vel quod peius esset, cum eadem in patria sua vbertim sibi collata videat, ingrato animo accipiat: aut, quod pessimum, fugillet, repræhendat, persequatur, uti his rebus prohibeat: nonnè helleboro dignum caput censebitur? Pueri dum à parentibus ad scholas mittuntur, plorare solent, & scholas, & literas, & præceptores oderunt. Videte oro, Germani Liuvones, ne illis similes videamini; si & Magistratum vobis bene cupientem, & patres vestros, & præceptores vestros, ac liberorum vestrorum doctores, ductoresque, ad bona vestra, vestros odio prosequamini. Ne ingrati erga Deum ipsum velitis esse, qui vos per Stephanum Regem è servitute tyrannica liberatos, etiam è servitute ignorantia, & barbariei, & variorum errorum, ut ve-



rè liberi esse discatis, & sciatis vos hoc etiam saluberrimo & paterno modo iuuandos putauit. O magnam inconsiderantiam vestram, si hoc non videatis, non agnoscatis, magnam ingratitude: si quod gratiis prosequendum, odiis prosequamini. Quid? iniurios hos tales institutores, & fundatos præceptores, in vos esse putatis? Imò verò benefactores vestros, & studio, & oratione, & charitate etiam inter iniurias, reputare debetis. Literas igitur bonas, ac earum professores vobis commendo, ut pater, ut amicus, ut frater vester; ut iam non parum expertus, quantum terris, prouinciis, & ciuitatibus magnis obfuerit, iis aut caruisse, aut eas neglexisse. Habetis iam vestræ gentis sanguinis, nationis, & linguarum peritissimum Episcopum optimum, & Senatore prouinciæ primarium, Otthonem Schenkingum, virum prudentem, ac rebus vestris accomodum: habetis Illustriss. & optimæ indolis Principes, Curlandiæ & Semigalliæ Regum ac Reipub. beneficiis deuinctos Duces, Fridericum & Vilhelmum fratres amabiles: Gothardi primi Ducis,

Ducis, viri alioquin Regi & regno addictiss. & fidelissimos filios. Habetis Palatinos more regni, Castellanos, Succamerarios, Capitaneos, Vexilliferos, Iudices, Subiudices, Notarios Terrestres, Burgrabios, ac cæteros regios Officiales. Quis iam vestrum non sit contentus præstante milite, ac cohortium Regiarum summo Duce ac præfecto optimo ac fidelissimo, Georgio Farensbachio, Palatino Venden? Is enim ob virtutes suas singulares, & bonitatem, & fidem non minus Polonis & Lituanis, quàm vobis omnibus est, & meritò esse debet, charissimus. Quis ignorat virum fortem, & de Liuania præclare meritum, Machiam Denbinscium, toties pro vobis, & vobiscum, intra & extra mænia, arcium & ciuitatum periculosissimè, at prosperrimè decertantem, & hostium cuneos perfringentem? omnes eum & meritò diligitis, & meritò eius personæ, virtutibus ac meritis, impensè fauetis: & quis est autem, qui non solum non gaudeat eo Palatino Pernauensi; sed etiam summis opibus, quibus in omnes liberalis est, præditum esse optet? Et lator ego quidem



quidem, viro prudente, iusto, & industrio, Ioanne Abraamouicio, Palatino Smolenscensi & fortè si vult ipse Derpatensi, Capitaneo Vendenfi. Eo sanè vos omnes, ita contentos esse video, vt nihil in eo desiderare videamini, nisi quod fortè metuere videamini, ne vobiscum residere non possit: vir tutibus quidem est tantis, vt eum maior locus meritò expectare debeat: habetis Georgium Schenkingum, fratrem Episcopi germanum, Castellatum Venden: Oeconomum Derpaten: cuius virtutibus, quantum fidendum sit, ostendit noster Samoscus, regni summus Cancellarius, ac exercituum Dux, cùm ei neptem suam Samosciam vxorem daret. Habetis multos alios vestri vestrorumque commodorum amantes. De Mathia Lencone, viro egregio, forti, ac vigilante, Capitaneo Nouogrodien: & iam Castellano Derpatensi, ita omnes sentitis; vt de viro probo, ingenuo, de patria semper optimè meritò, vobisque apprime necessariò & salutari, sentiendum est. Habetis Berthramum Holtshurium, candidum & sincerum hominem, quod virū nobilem

nobilem decet: Regis & regni studiosissimum, Succamerarium Derpatensem; id est finium regundorum præsidem, Capitaneum Cremonæ. Stanislaum Kossium, præstantem pietate, animo & virtute virum: similiter Succamerarium Vendensem, qui ita vobis omnibus Liuonibus est charus; vt in hoc Conuentu generali Liuoniæ, omnes nationes eum Marschalcum vobis magno studio vestro concordēs habuêritis. Curtium etiam, Pernauien: Succamerarium, modestia, humanitate, virtute, & amore patriæ insignem virum. Andream Orzechouium, genere, moribus, ingenio, ac eruditione, præstantem virum: ac militem fortem, Capitaneum Laientem, & præmiis maioribus dignum. Habetis Tisenhausios, Rosenios, Plettembergios, Denhouios, Brakelos, Taubios, Crausios, Corfios, Curseliôs, Patkelios, Bretleros, Vngeros, Caneuicios, Heuelios, Sturcios, Stakelbergios, Wrangelios, Grothusios, Drawenos, Offenburgios: & alios innumerabiles, tam hîc, quàm in Estonia natos, degentes, ac possessionatos. Non desunt vobis, Mlodasij, Ostro-



uij, Iablonouij, Drohobisij, Pobiedzinscij, Golebiouij, Chibisij, Zeligowscij, Bialkouij, Bikouij, Fredrones, Ostromęcij, Gozdziescij, Zdanouij, Lascouij, Chrzanouij, Geisteri, Dziatkouij, Lescinij, Mirzuinij, Rogozinscij : & alij non pauci milites, de patria hac præclarè meriti, & præmiis amplis dignissimi: è quibus delecti sunt, in primis à Sereniss. Rege nostro, tum à vobis libera facultate, vobis iam concessa : tum à nobis autoritate Commissariali : tum electi : tum approbati Iudices, Subiudices, Notarij Terreſtres : inter quos Venden: est David Hilchen, Regius Secretarius, vir cum doctrina, ingenij, dotibus singularibus, cumulatis. & qui vestrę huic Liuonię, quantum faueat, ac benè velit; abundè in ternis iam Comitibus Regni, atque in ea Commissionē nostrā demonstrauit. Item delecti Vexilliferi, Dapiferi, Subdapiferi, Pocillatores, Munitionum & Pontium Magistri : aliique Officiales more Reipub. nostrę. Quorum fide, studiis, virtute, concordia & animis, nixi Reges nostri, nixa Respub. tota, omnia, tuta comoda, & optata sibi pollicetur.

Atq;

Atque vt omnia hæc vobis diutissimè, salua & integra permaneant : videte, quæ capita, qui & quanti viri vobis, diuina quadam, vt aiunt virgula, ad hanc prouinciam obtigerint. Derpati enim præfectus est Samoscus ille noster, & Cancell: & summus regni Dux exercituum. Coconhausi Radiuilius Dux Bierzen: & Dubingi, Palatinus Vilnen: itidem Lituanię, summus exercituum Dux præstantissimus. Pernauie, Sapieha, Lituanię Cancellarius, Collega nunc nostrę huius Commissionis, optimus & prudentiss. Vendę Abramouicius, Palatinus Smolenscii. Rumburgii, Viesolouius Lituanię Marschalcus, omnibus virtutibus cumulatus. Felini, Curtius, Miles experientię plurimę. Duneburgi Taluofius optimi patris filius. Lucinę Scarbeius, miles bonus, & antiquus. Segwoldi, Stadnicus Lanczhutensis, vir fortis, & patrię glorię studiosissimus. Alibi aliis cum laude præfectis, & ad omnes nutus suorum Ducum intentis. Habetis & amicos atque patronos vestri studiosissimos, Illustriss. Georgium Cardinalem Radziuilium, Episcopum Cracoui-

F ij

ensem:



ensem : Illustris. & Magnificum Nicolaum Firleium de Dambrouica, Palatinum Cracouiensem, qui apud vos gratā sui nominis & illustrem memoriam reliquerunt. Albertum Lascium Palatinum Siradien: Capitaneum Marieburgen: Suaneburgen: & Kirempensem, antiquum & exercitatum militem, ac copiarum ducem. Non effluxit vobis è mentē & memoria vestra, Andreas ille Sapicha, qui primus Rege Stephano, ad Vendam non magnis copiis numerosum Moschorū exercitum fudit, & felicem ac gloriosam vestris nationibus victoriā peperit, & prosperum omen, & augurium futurarum victoriarum dedit : is iam est Palatinus Polocen: Ii vobis ad omnem occasionem suis officiis sanè non deerunt. An etiam domi in Curlandia, & hīc Bertoldum Butlerum Curlandorum Principum exercitus Ducem, fortem & strenuum, Regibus Stephano, & Sigismundo III. ob egregia merita & virtutes carum & acceptum : non omnes magni facitis, uti meritò debetis? Quid Gothardus Ioannes Tisenhausius, Ioanne Bersonenſi non impar? Ditleno

Orlenſi

Orlenſi percharus, familiæ suæ totius ornamentum, Regius aulicus? nonné ingenio, doctrina, modestia, indole, ita excellit; ut se breui magnū in-Repub. virum, fore polliceatur ac præferat? Hæ sunt dotes, hæ gemmæ, hi vniones præciosi Liunionæ: si plures similes Gothardo cernamus. Non possum præterire & amicos meos antiquos & fratres, Ioannem Tecnonem, I. V. Doctorem, Archidiaconum: & Georgium Sterbelium, Scholasticum Vendenſes, etiā in Liunia natos: quos ego & propter virtutem, & morum honestatem, & doctrinam singularem iam pridem diligo; utpotè, quorum opera fideli, ante decimumseptimum annum, in cultu huius vineę dominicæ, post recuperatam Liunioniam, vsus eram: quorum etiam alter me in hanc prouinciam, tūc iussu Regio, tūc comprouincialiū suorum, suisq; precibus mea Leopoli extraxit. Addo illis & meum de licatum Daniele Hermanum, virum eruditum & vena poëtica pollentem, & Regis Stephani gesta eleganti poëmate canentem. Date omnes veniam, non nimis adhuc senibus odio sunt Musę,

F iij

quæ

quæ gratæ fuere iuuenibus. Quin & Olor moriens canit. Ad summam habetis, ô Liuones, omnem ordinem institutum, omnia ad vestram decus, salutem & bonum præparata. Resipiscite iam cum aliis resipiscientibus: & grati dona Dei recognoscite, cum multis recognoscentibus, & dolentibus, & flentibus, quod ad scholas olim dati non fuerint, quod extra scholas studuerint. Quas cum iam habeatis, summo summi Dei & Regum vestrorum beneficio: iis utamini, fruamini, & ad omnem honestatem, utilitatemque vestram cedent: tum domi in iure dicundo, tum politia regenda, tum ciuili societate tuenda, tum concrouersis dirimendis, tum foris in belli fortuna, tum in pacis bono & ornamento, tum in secundis, tum in aduersis, tum in publicis, tum in priuatis. Sic cum paternæ meæ & beneuolæ admonitioni, suasioni, & consilio, parueritis, & tam in illa priori, quam hac posteriori remedii parte, assensum & cor adhibueritis, et Spiritui sancto ad vos pulsanti non restiteritis; & nunc de vobis ipsis, & in posterum de posteritate vestra dilecta,

dilecta, optimè vos meritos esse experiemini. Vosque paruissè & obtemperassè, neque pigebit, neque dolebit vnquam. Quin secus omnia contrà. Valete, florete, & lætamini Domino, & pax domini nostri Iesu Christi sit cum vobis omnibus, Amen.

### AD DOMINOS COLLEGAS SVOS.

**I**LLVSTRIS, MAGNIFICI, ET GENEROSI Domini, D. Leo Sapieha, Cancellarie Magni D. Lithuanie: Georgi Schenkinge, Castellane Vendenis: Mathia Leniek, Castellane Derpatensis: Petre Ostroui ab Ostrouo: Bertrame Holtſchur, Succamerarie Derpatensis: Ioannes Vilczek, David Hilcken, Secretarii Regii, domini, amici, & Collegæ charissimi & honorandi.

**P**ostquam Deo aspirante, Commissionem hanc, ad finem tanquam ad portum aliquè adduximus: vt in appellendo nauem hanc ad litus, pariter sudauimus: & vos Collegas meos, strenuos & diligentes, cooperatores sum expertus;



tus; ita etiam, quicquid mihi sermonis ad incolas  
 Liuoniæ, in supremo discessu nostro erat institu-  
 endum; id vestro fauore & beneuolentia fieret.  
 Vna mens, vna voluntas, fuit omnibus, vnum  
 studium; vt & huic prouinciæ & toti Reipub. sa-  
 tis fieri, & Liuoniæ afflictæ, & perturbatæ, res ex  
 ataxia illa diuturna, in ordinem aliquem redige-  
 rentur, & quasi redintegrarentur. Optassem ex  
 animo & Magnificum D. Ioannem Zborouium,  
 Castellanum Gnesnensem, virum animo & belli  
 gloriâ præstantem, vnâ cum G. D. Sbigneo Oso-  
<sup>rio</sup> ~~fnicio~~, Succamerario Sendomirien: dotibus in-  
 genii & corporis ornatiss. & Io. Nieuiescincium,  
 quem non noui, Regium Secretarium, si valetu-  
 do vel negotia eorum tulissent, nobis adfuisse.  
 Partitæ enim operæ, citius negotium delegatum  
 conficere potuissent. Nunc sic fors cecidit, vt o-  
 ctonarius numerus, sicut rebus initium dede-  
 rat: Quietis, inquam, numerus, quem Deus Opt.  
 Max: huic terræ auspiciatum & salutarem velit  
 esse. Et si quid adhuc ad ea, quæ ordinibus istius  
 prouinciæ rogantibus & adiuuantibus, scita &  
 instituta

instituta sunt, vel scisci ac institui, in hac rerum  
 & temporum difficultate, potuerunt, desit; ea  
 ipsa, sua authoritate, suppleat, approbet, emen-  
 det Serenissimus Rex noster vnâ cum Regni, &  
 M. D. Lituanie Ordinibus: modò non desinus  
 ad finem. Nostram operam, studium, & cona-  
 tum omnibus placere vellem: sin minus, saltem  
 iis, qui Deo fide summa, & Reipub. ex animo ser-  
 uiunt & student. Vos charissimos Collegas  
 meos, Deo omnipotenti commendo, Catholi-  
 cis constantiam, Euangelicis veritatis agnitio-  
 nem, & vnitatis studium opto. Cum vera cha-  
 ritate ad vos veni, cum ea vobiscum mansi, cum  
 eadem à vobis discedo. Benè & feliciter vale-  
 te. Deus det vobis omnibus, quod quisque sibi  
 optat. Rigæ, mensis Septem. die 28. anno  
 salutis, 1599.



Żamość

dr. akad.

1600









